

古今尺牘大觀

上編七



古今尺牘大觀 上編

第七冊

目錄

敘事類

干謁

唐王勃上絳州上官司馬書

唐王勃爲人與蜀城父老書

唐王勃爲人與蜀城父老第二書

唐王勃上武侍極啟

唐王勃再上武侍極啟

唐王勃上許左丞啟

唐王勃上吏部裴侍郎啟

唐駱賓王上瑕邱韋明府啟

唐駱賓王上司刑太常伯啟

唐駱賓王上兗州刺史啟

唐駱賓王上兗州崔長史啟

唐駱賓王上郭贊府啟

唐陳子昂爲蘇令本與岑內史啟

唐蕭穎士爲邵翼作上張兵部書

唐蕭穎士贈韋司業書

唐李白與韓荊州書

唐李白爲趙宣城與楊右相書

唐李白上安州裴長史書

唐李觀與處州李使君書

唐李觀上杭州房使君書

唐韓愈爲人求薦書

唐韓愈上李實尙書書

唐韓愈應科目時與韋舍人書

唐韓愈上宰相書

唐韓愈後十九日復上書

唐韓愈後二十九日復上書

唐韓愈代張籍與浙東觀察李中丞書

唐韓愈上于襄陽書

唐韓愈與鳳翔邢尙書書

唐柳宗元上權德輿補闕溫卷決進退啟

唐李翱謝楊郎中書

唐符載贈蘄州盧員外書

唐符載上韋尙書書

唐沈亞之上壽州李大夫書

唐沈亞之上李諫議書

唐沈亞之與同州試官書

唐杜牧投知己書

唐杜牧上李中丞書

唐薛逢上翰林韋學士啟

唐薛逢上白相公啟

唐薛逢上崔相公啟

唐薛逢上前易定盧尙書啟

唐李商隱爲張周封上楊相公啟

唐李商隱爲崔從事福寄尙書彭城公啟

唐李商隱爲同州任侍御憲上崔相國啟

唐李商隱爲舉人上翰林蕭侍郎啟

唐李商隱上漢南盧尙書狀

唐李商隱上度支盧侍郎狀

唐李商隱上華州周侍郎狀

唐李商隱上孫學士狀

唐李商隱上韋舍人狀

唐李商隱上劉舍人狀

唐李商隱獻舍人彭城公啟

唐李商隱獻舍人河東公啟

唐溫庭筠上令狐相公啟

唐溫庭筠上崔相公啟

唐溫庭筠上首座相公啟

唐溫庭筠上宰相啟一

唐溫庭筠上宰相啟二

唐溫庭筠上鹽鐵侍郎啟

唐溫庭筠上封尚書啟

唐溫庭筠上裴舍人啟

唐溫庭筠上學士舍人啟一

唐溫庭筠上學士舍人啟二

唐溫庭筠上杜舍人啟

唐溫庭筠上吏部韓郎中啟

唐劉蛻投知己書

一作與大理楊卿書

唐劉蛻與京西幕府書

唐顧雲投顧端公啟

唐顧雲投戶部裴德符郎中啟

唐顧雲投殿院韋侍御啟

唐顧雲投戶部鄭員外啟

唐顧雲投翰林劉學士啟

唐顧雲投西邊節度使啟

唐顧雲投刑部趙郎中啟

唐顧雲投陸侍御啟

唐顧雲上池州庾員外啟

唐顧雲上翰林劉侍郎啟

唐顧雲上鹽鐵路綱判官啟

唐顧雲上右司袁郎中啟

唐黃滔刑部鄭郎中啟

唐黃滔盧員外潯啟

唐黃滔趙起居啟

唐黃滔崔右丞啟

唐黃滔與韋舍人啟

唐黃滔翰林薛舍人啟

唐羅隱投知書

唐羅隱投永寧李相公啟

唐羅隱投湖南王大夫啟

唐羅隱謝崔舍人啟

唐羅隱投湖南于常侍啟

唐羅隱投祕監韋尙書啟

唐羅隱投鹽鐵裴郎中啟

唐羅隱投蘄州裴員外啟

唐羅隱投鄭尙書啟

古今尺牘大觀 上編

第七冊

敘事類

干謁

唐王勃上絳州上官司馬書

月日。龍門百姓某。謹再拜奉書於司馬上官公足下。蓋聞靈化出於窈冥。帝圖寄於寥廓。聖人生而萬物覩。太階平而四國會。故曰有非常之后者。必有非常之臣。有非常之臣者。必有非常之績。至今雷奔雨嘯。風旋電轉。拾青紫於俯仰。取公卿於朝夕。雲臺迫漢。南宮列元宰之圖。霜戟羅門。北闕據名臣之第。嘗見之矣。至若時非我與。雄略頓於窮途。道不吾行。高材屈於卑勢。孔宣父之英達。位未列於陪

杭縣 姚漢章
張相 纂輯

臣管公明之傑秀名僅終於郡屬。有時無主。賈生獻流涕之書。有志無時。孟子養浩然之氣。則亦有焉。豈非妙造無端。盛衰止乎其域。神期有待。動靜牽乎所遇。向使太公失於周伯。則旗亭之屠父。韓信屈於蕭何。則轅門之餓隸。又焉得鷹揚豹變。吐納風雲者哉。故曰。知與不知。用與不用。觀夫得失之際。亦窮達之有數乎。其有邀時譽。忘廉恥。徇苟得。設向背於朝廷。立縱橫於勢利。舉三寸之舌。屈辱豪門。奉咫尺之書。逡巡下席。皆自謂材足以動俗。智足以濟時。鐘鼎輝其顧盼。冠蓋生其藉甚。豈知夫四海君子。攘袂而恥之乎。五尺微童。所以固窮而不爲也。此蓋莊周有言。所以得意而忘象。得象而忘言。語曰。談何容易。易稱書不盡言。知談之不易。而欲言之盡。以是思之。良可知矣。下官者。康衢之賤耳。嘗聞闕里之言。頗挂平輿之目。豈不知塵形俗狀。游水鏡而多慙。抱鼓援桴。過雷門而自失。而欲刻鵠飾鳧。唐突肩鑰者耶。徒以登山泛海。庶測高深。執炬傳螢。希增日月。三奔九合。下官聞管仲之風。千載一時。君侯受鮑卿之託。是以敢陳其逕庭。不然。則秋風明月。西

江留獨往之。因桂嶠松巖。南山有不羣之地。矧區區者而重高明之閭闔哉。君侯
極天分構。振瓊樹而韜霞。帶地疏源。握珠胎而冠月。鱗軒羽殿。瑤臺降卿相之榮。
鵲印蟬簪。金社發公侯之始。青皋獨唳。望鴻漸而翻霞。丹穴高鳴。對鵷池而矯霧。
嚴助以賢良待詔。未厭承明。汲黯以方正拾遺。終榮臥理。藩維克振。既參來暮之
歌。邦國不空。自有康沂之相。加以雄材廣度。散琬玉於胷懷。逸氣邁文。運風霜於
掌握。迫青霄而構舍。煙霞之涯。涖莫尋。振滄海以流謙。江漢之波。瀾未測。耀靈珪
於趙席。垂棘知歸。辯羣籟於莊軒。懸匏自託。賓階夕敞。清河銷驥。繫之虞虛。榻晨
披。元禮得龍驅之地。方當翊贊宸極。羽儀台屏。豈徒偃仰州縣。勞事藩庭而已哉。
借如僕者。言不滿於鄉黨。聲不出於堂闕。東海取樂於簞瓢。南山異志於文史。餐
花佩葉。入蘭室而談玄。挹露攀霞。坐松局而嘯逸。揚子雲之澹泊。心竊慕之。嵇叔
夜之逍遙。真其好也。未嘗露才揚己。飾小智以驚愚。假勢憑時。託中人而樹迹。遍
遊天下。寒心於將相之門。獨守太玄。側身於名利之境。嘗謂奉琴卮於北牖。詠詩

禮於南陔。坐商洛而折雲英。臨江湖而採煙液。生願畢矣。而屬鸞局佇逸。頻虛不次之階。鶴板徵賢。累發非常之詔。天下有道。吾豈匏瓜。承達人一顧之榮。辱公車再辟之禮。平津侯之博物。終屈奉常。賈大夫之才名。猶逢絳灌。況庸者而可免於此乎。君侯要津先據。圖海盛於當時。下官覆簣方勤。爲山始於今日。雖陵深谷。變終非入室之賓。而晝詠宵吟。敢預升堂之列。夫以幽明不測。尺標見天下之心。巨細相傾。寸管合義舒之度。豈非道存斯貴。理在必亨。霸略近發於輿歌。皇圖不隔於芻議。故有榮枯絕等。奉推轂而欣然。年勢不侔。受分庭而罔愧。風規可接。惟君侯體之。古今未殊。則下官願矣。常恨霜松列澗。萬尋無罩。月之期露。草滋山寸莖。有梢雲之望。斯則聲實困於兼濟。才位難於俱立。況乎地勢不足以誇俗。容貌不足以動人。遑遑數澤。安足以奉高明之咳唾也。所冀蠅階賤質。附雲足而追鷗。蛭序輕姿。託霜毛而絕海。委名勵已。蛟鰲申獨斷之能。偶跡當仁。驪珠鮮閭投之懼。天衢可望。指鵬程而三休。巨壑難遊。伏龍門而一息。勃死罪死罪。

唐王勃爲人與蜀城父老書

蓋聞天地作極。不能遷否泰之期。川岳薦靈。不能改窮通之數。豈非聖賢同業。存乎我者。所謂才。榮辱異流。牽乎彼者。所謂命。是以龍驤鳳峙。伊周成翊贊之功。含糗糈藜。顏冉困棲遲之病。或先號而後笑。或始吉而終凶。事不可量。功未必定。則知洪濤未接。長鯨多陸死之憂。層風未翔。大鵬有雲傾之勢。池鱣并鮒。亦將鼓鱗而輕之。田鳩野鷄。亦將騫翮而侮之。及其踵溟渤。接扶搖。吹波則江漢倒流。騰氣則虹霓掩彩。摩赤岸。負蒼天。然後知其力焉。吁。韓信之無津也。昌亭之一餓夫耳。馬卿之失路也。臨邛之一食客耳。武不足以服衆。文不足以動時。長劍屈於無知。洪筆淪於不用。泊乎雄圖躡運。至尊納背水之謀。麗藻昇朝。天子賞凌雲之作。威加海岳。聲振廊廟。彼淮陰之俠少。成都之遺老也。又焉能知遠近哉。是以鑒物於鑒。不於成。賞士於窮。不於達。是知卞和之得玉也。精存於岸谷之間。張華之得劍也。氣發於星辰之際。夫豈琢磨成器。然後知其寶。剗斷爲能。然後知其用哉。仰惟

鄉耆等並玉山高族。金隄勝侶。列子弟於千城。耀衣冠於百代。或以風雲去國。公孫躍馬之年。鐘鼎從王。諸葛攀龍之日。門庭相接。雕甍將綺。棟連陳機。杼相和鳳。鐻將虬梭交響。金漿玉饌。食客三千。綠幘青裳。家僮數百。冲襟渺識。人多江漢之靈。麗藻華文。代有雲淵之氣。北齋開敞。南館虛閒。詩酒同歸。琴書合契。忘機得意。恥嵇阮之交疎。虛席延賓。恨原嘗之客少。實煙霞之藪澤。風月之津梁者乎。劉仲文之遠識。不以乾沒詣梁城。閔仲叔之高風。不以口腹累安邑。雖其已沒。生氣猶存。況乎屬宇宙之明。當天下之泰。不能俯拾青紫。高視縉紳。攀北極而謁帝王。入南宮而取卿相。脅肩側足。求哀鍾釜之間。低首俯眉。取濟斗升之末。嗟乎。誠下官所以仰天漢而鬱拂。臨江山而慷慨者也。但時可以未遇。道可以未行。志願可以未成。功業可以未就。古之才足以輔王業。躡跡屠釣之門。功可以濟巨川。藏身版築之下。百里奚之負販。陳湯之丐貸。而況於庸者哉。此僕所以駿奔於顧盼之餘。自致於恩光之末也。且夫精誠所感。尙動神明。意氣相交。豈慙車馬。倘能投心季

子遙存素紵之恩。援手應侯。先立綈袍之贈。豈人之情也。能無報乎。方今白藏紹序。朱律謝期。天高而林野疎。候肅而江山靜。輕蟬送夏。驚晚吹於風園。旅鴈乘秋。動宵吟於露渚。絲續成於南畝。杭黍被於東阡。時計有儲。願履多福。下官薄游。綿載飄寓。淹時歡躋。相仍憂虞。自積陟梁鴻之峻岳。何暇長謠。臨阮籍之長途。惟知慟哭。庶憑賙給。以濟飄危。輕訴短懷。佇流嘉耗。

唐王勃爲人與蜀城父老第二書

蜀都廣鎮。岷壚奧壤。山分玉宇。水向金陵。景貺有期。英靈間出。榮閒休暢。幸甚幸甚。夫神有可迫。淥波驚七柱之音。道有可符。元霜扣九鐘之節。豈道窮精祕。妙聽察於無聲。理實杳冥。元應通於不測。波流柱響。波無入柱之因。霜落鐘鳴。霜非扣鐘之具矣。況乎言忘意得。臭味相求。目擊道存。神明已接。鄭僑之逢吳札。無謂殊方。阮籍之對嵇康。自然同氣。僕雖不敏。嘗從事於斯矣。嘗謂薰蕕不共器。臯鸞不比翼。是以類乎方者。接風雲於千里。乖乎類者。起山川於一面。抑嘗聞之士之生。